

J. N. J. C.

DISSERTATIO GRADUALIS

DE

LINGVA MUTA,

C U F U S

PJ.

PARTEM PRIOREM,

Annuente AMPL. ORD. in Regia Academia

Aboënsi,

PRÆSIDE

MAG. LAURENTIO O.
LEFREN,

L. L. O. O. & Græcæ Profess. Reg. & Ordin.

Ad publicum Bonorum examen modeste defert

NICODEMUS BERGSTEDT

Westrobotniensis

Die XII Aprilis Anno MDCCCLXXV.

In AUDITORIO MAJORI

H. P. M. C.

ABOÆ

Typis JOHANNIS CHRISTOPHORI FRENCKELL.

P R E F A T I O .

Repte HIERONYMUS, Assiduitas, inquit, familiaritatem, familiaritas contemtum parit. *Quamvis vero hoc ille de usu hominum familiariter intellexerit, multo tamen latius idem patere, docet experientia.* Quidquid enim vel externo, vel interno usurpamus sensu, id omne sola assiduitate pretium amittere potest, sæpeque amittit penitus. Nec quidquam tam egregium, aut eximium est, quod semper æque magni pretii esse videatur. Documentis, quæ banc demonstrant veritatem, plena sunt omnia, plenus pontus, plena terra, plenum cœlum. *Quum prima omnium occasione ferventes atque spumantes freti undas vel e longinquo intueris, totus exborrescis,*

Gelidusque coit formidine sanguis.

Ex quo vero horrores furentis maris oculis sæpius usurpaveris, paullatim occallescit animus, donectam horrendus antea adspectus nihil te moveat. Ad tellurem si oculos convertere velimus, innumera animadvertemus genera herbarum, quæ sua tum coloris elegantia, tum fragrantia odoris, tum usuum præstantia tam vivum nobis sensum movent admirationis, ut singula tanquam altaria intueamur, ad quæ ineffabilem Creatoris benivolentiam, sapientiam atque potentiam cernui adorare deberemus. Quid vero accedit? Vilescit quotidianum. Tam stupenda naturæ miracula non diu sensibus nostris usurpavimus, cum ea, sine ulla mentis attentione & elevatione ad opificem optimum maximum, pedibus proterve conculcare incipimus. Quid de vasto coeruleo dicam, in quo multa mundorum millia, neque fune suspensa, neque trabe suffulta, pendent? Quantam hic materiam admirationis suique adorationis nobis præbuit, qui hæc omnia condidit,

A sustentat,

sustentat, dirigit? Quid vero tu ad hunc sentis adspectum?
 Idem fere quod politum vitrum, quod imaginem admirandæ bujus machine fine ullo sensu recipit & sine ullo affectu reflectit. Coeli enarrant gloriam Dei & opera manuum Ejus annunciat firmamentum Ps. XIX, I. Sed pro pudor! pro dolor! Surdis plerumque fabulam narrant. Quotus enim quisque est mortalium, qui hac Dei magnalia semper, qua decet, attentione & admiratione intueatur & prosequatur? Quid vero his adeo remotis utimur testimoniis, cum multo habeamus propiora? Nostram ipsorum substantiam loquor, animam nostram cum admirandis suis facultatibus & corporeum animæ domicilium cum stupenda membrorum structura. In nobis metipsis μηρόγνωστον, parvum quandam mundum, intueri & admirari possumus, nisi antimo plane stupido utamur. Quid, exempli gratia, admirabilis, quam quod anima nostra, quamvis nec in latitudinem, nec in longitudinem, nec in altitudinem pateat, adeo tam intralsuum quasi finum ingentem atque patentem continet tabulam, ut in ea pingi possit totus mundus & omnes mundi partes cum omnibus suis affectionibus, sensualibus, intelligibilibus, constantibus, mutabilibus; & si quas præterea admittant divisiones. Quam admirandum sit artificium corporis vel sola ostendit lingua. At quantulum membrum! Omnes civitates, omnia regna, omnia imperia, verbo: totus mundus lingua regitur. Quid vel concipit, vel appetit animus, id lingua aliis significare possumus, idque infinito vocabulorum numero, quem tamen gemina litterarum decuria componit. De structura, de nervis, de fibris de patillis, de musculis admirandi bujus membra multa dicere possemus, nisi ratio instituti prohiberet. Effectum, quem lingua producimus, etiam lingvam dicere solemus. De hoc nobis propositum est agere. Quum vero varia sint genera lingvarum, nobis hac quidem occasione de illo solo exponere licet, quod lingvam mutant appellare moris est. Quod cum per tenues nostras

Facultates nonnisi leviter attingere possimus, Te Lector Benivole, qua decet observantia, rogamus, ut festinationem benigne excuses, pleniorum argumenti tractationem habiturus, si fortuna olim meliorem laborandi occasionem suppeditaverit.

§. I.

Varias lingvæ tum divisiones, tum definitiones adtingit.

De lingva muta nobis hoc quidem specimine Academico agendum esse, tum ex inscriptione, tum ex præfatione dissertationis constat. Quum vero, quid sibi muta velit lingva, paullo obscurius pateat, nisi prius, quid lingva latius sumta involvat, distincte expositum fuerit; *banc* notionem ante omnia evolvisse juvabit. Quemadmodum igitur lingva proprie dicta est complexus vocabulorum legitime constructorum, quæ homines certæ alicujus familie aut certi cujusdam populi ad sensa animi exprimenda usu receperunt, ita, late sumta voce, lingvam definimus complexum signorum quibus alii aliis sua animi sensa exprimere possunt. Hic igitur ad indolem signorum redeunt omnia. Quemadmodum hæc vel sonora, vel muta sunt, ita vel mutam vel sonoram pariunt lingvam. Deinde quum utrumque signorum genus, mutum & sonorum, partim *naturale*, partim *artificiale* sit, facile appareat, utramque etiam lingvam in naturalem & artificialem commode dispisci posse. Præterea, si tot adsint signa, quot ad singula animi sensa aliis exprimenda sufficient, lingva ipsa plena est, sin minus manca. Tandem vero quemadmodum vel obscurius, vel clarus, vel confusius, vel distinctius ex signis intelligitur, quid sentiat qui iis utitur, ita quæ ex iis conflatur lingva vel obscura, vel clara, vel confusa, vel distincta est.

§. II.

De genere lingvæ mutæ, quod naturale diximus, agere incipit.

Quoq

Quod si igitur varia lingvæ mutæ *genera* seorsim expendere velimus, primo omnium loco id adgredi debemus, quod *naturale* diximus. Hoc omnia animi indicia complectitur, quæ habitus hominis externus prodit. Hæc plura sunt, quam quorum hic numerum inire licet. Singula enim membra, quæ sub adspectum cadunt, tota lingvarum plena sunt. Omnia vero partium corporis nulla *vultu* loquacior, nulla disertior est. In eo lætitiam & tristitiam, lasciviam & pudicitiam, arrogantiam & modestiam, odium & gratiam, contemtum & reverentiam, crudelitatem & teneritatem, feveritatem & humanitatem, timiditatem & audaciam, invidiam & benivolentiam, iracundiam & patientiam, ingenuitatem & rusticitatem, integritatem & prævaricationem, sinceritatem & simulationem, stultitiam & sapientiam, constantiam & levitatem, prudentiam & temeritatem, tanquam expressis, litteris, legere licet. Verbo: omnes latentes animi inclinationes & propensiones sæpe & distinctius & efficacius ex *vultu*, quam ex ulla oratione cognoscuntur. Longum foret, si per singula eundo, omnia sigillatim exponeremus. Nihil dicam de loquela *frontis*, quatenus vel alta, vel humili, vel longa, vel brevis est. Sola ipsius corrugatio & explicatio, quid loquatur, cogitandum relinquo lectoribus. Fronti contigua sunt *supericia*. Quis vero ignorat, quos animi motus hæc exprimant, cum vel attolluntur, vel deprimuntur, vel alterum attollitur, alterum deprimitur? Audiamus judicium PLINII, qui, *supericia*, inquit, *homini & pariter & alterne mobilia*: in iis pars animi. Negamus, annuimus. Hæc maxime indicant fastum. *Superbia* alibi conceptaculum, sed hic sedem habet. In corde nascitur, buc subit, bic pendet. Vid. Lib. II. Cap. 37. Excipiunt oculi, quorum lingva, quamvis muta sit, sæpe tamen omni clamore efficacius nunc læta pollicentur, nunc tristia minantur. Amantium lingva oculi. Rubor & pallor genarum pudoris atque timoris

fidi habentur testes. Qui has distingvit, *nasus* ipsos s^ep^e oculos eloquentia æquat, at non tam l^aeta & grata, quam tristi & minaci. *Oris* vel blanda *compositio*, vel tetrica *distorcio*, vel severa *protrusio* quid loquatur, in aprico est. Totius denique *capitis elevatio*, *dejectione*, *quaffatio*, & in omnes partes *conversio* lingvæ mutæ non minima continet specimina. De loquela *rigidi colli* & *humerorum* varie *motorum* non vacat dicere. Nec multi erimus in tradenda loquela *manuum*, quam palpando, mulcendo, plaudendo, aliisque gestibus produnt. Hæc æque nota est, ac ea, quæ in earum vel *elevatione*, vel *demissione*, vel *extensione*, vel *attractione*, vel *complicatione* consistit. De *statu*, *incessione*, & *accubitione* multa dici possent, si loci angustia pateretur. Quis nescit, ex his quam s^epⁱissime clarius elucere vel lascivum, vel pudicum, vel superbum, vel modestum, vel durum, vel tenerum animi habitum, quam ex ulla verborum signis, quamvis ea & certissima & clarissima forent?

§. II.

Ad linguam mutam refert tacitum loquendi modum, qui loco verborum res ponit naturales, ex quibus aliquid disci debet.

Aliud linguæ mutæ genus *naturale* est, cum, certa animi sensa aliis repræsentaturi, loco orationis, iis res proponimus *naturales*, quarum proprietates institutioni inserviunt. Hoc fieri solet dupliciter. Nunc nudæ, seu solæ proponuntur res, nunc *verbis* adjectis illustratur quod in rebus obscurum videri possit. Prioris generis exemplum præbet factum *Idantburæ Scytharum regis*, qui *Dario Persarum regi* bellum minanti pro litteris symbolum misit *murem*, *ranam*, *avem*, *jaculum*, *aratrum*. Cum autem de his, ut necesse erat, exorta esset dubitatio, *Orontopagas* quidam tribunus militum dicebat, eos tradituros imperium, conjectans ex mure quidem
habita-

habitationes; ex rana autem aquas: ex ave aërem: ex jaco
culo arma: ex aratro regionem. Xiphodres contraria fām
dedit interpretationem. Is enim dicebat: nisi tanquam a-
ves evolaverimus, aut tanquam mures terram, vel tan-
quam ranæ aquam subierimus, eorum teta non effugiemus.
Hanc historiam ex PHEREZYDE Syrio adduxit CLEMENS
ALEXANDRINUS Strom. Lib. v. cuius particulam de-
scriptis P. N. CAUSSINUS e Soc. Ies. in Symbolica
Ægyptiorum Sapientia pag. 122 seq. Huic exemplo
linguæ mutæ parallelum est inventum BOLESLAI ter-
tii Polonorum regis, quod apud CROMERUM libro
VI. legitur. Palatinus quidam Polonus bello extremo
contra Russos ad Haliciam sua fuga reliquo exercitu
fugæ caussa extiterat. Huic, cum domum venisset,
rex pelleam leporinam, colum & fusum dono misit.
Hæc symbola adeo efficaciter ignaviam Palatini redar-
guebant, ut, ignominia ad desperationem redactus, vitam
voluntario suspendio finiret. Vide sis Caussini lib. cit.
pag. 467.

§. IV.

Exempla linguae mutæ verbis adjectis declaratae adducit.

Quoniam vero linguae mutæ sæpe accidit, ut satis distincte
intelligi nequeat, nisi unum alterumve adjiciatur verbum,
quo verus referetur sensus, non raro usu venit, ut idem e-
tiam faciant, qui hoc dicendi genere utuntur. Hujus-
modi exemplum præbuit ipse SALVATOR in secula be-
neditus, cum refutare vellet insolentiam discipulorum,
qua de principatu inter se disquirere ac disputare cœ-
perant. sumtum enim puerulum in medio eorum con-
stituit, ut ejus veram animi humilitatem disserent.
Quemadmodum, inquit, hic puerulus nullum appetit
principatum, sed se ipse humiliat, omnes sibi æquales
agnoscens, ita is demum maximus est in regno coelo-
rum,

rum, qui, procul ab omni eminendi cupiditate remotus,
 de suis meritis omnium modestissime sentit. Nisi igitur,
 pergit, conversi fueritis, ut puerorum simplicitatem & humi-
 litatem æmulari possitis, tantum abest, ut locum *principum*
 in regno coelorum tueri possitis, ut ne *intrare* quidem
 regnum illud queatis Matth XVIII, 2 seqq. Pari modo,
 cum beneficiorum, quæ acerbissima passione et
 cruentissima morte generi humano meritus erat, *aeternam*
memoriam condere vellet, non satis habuit instituere
 perpetuum usum symbolorum *panis & vini*, quorum
 ille *corporis*, hoc vero *sanguinis* sui *nouaria*, seu *com-*
communicatio esset, sed disertis etiam verbis, quid sibi vel-
 let Sacramentum, docuit. *Hoc facite*, inquit, *quotiescunque*
ederitis atque biberitis, in mei commemorationem Cor. XI, 24.
 25 Ipse quoque Baptismus aliquid symboli habet, quod huc
 spectat. Quod si vero factum symbolicum *SALVATORIS* ob
 materiae cognationem adjicere velimus, illud suppeditabit
lotio pedum discipulorum, qua quidem nihil nec oculus vidit,
 nec auris audivit, nec in cor hominis adscendit admiratio-
 ne dignius. Quod si quis querat, cur verbum divi-
 num symbolis & emblematis reuceant, in promptu est
 responsio ex HORATIO:

Segnus irritant animos demissa per aurem,
Quam quæ sunt oculis subjecta fidelibus & quæ
Ipse sibi tradit Spectator - - - - -

De arte poetica v. 180.

S. D. G.

